

Na osnovu člana 89. Zakona o javnim nabavkama Bosne i Hercegovine („Službeni glasnik BiH“ broj: 39/14) i Odluke o izboru najpovoljnijeg ponuđača po konkurentskom zahtjevu za dostavu ponuda broj: 12-3294/20 od 21.07.2020. godine, *zaključuje se*

UGOVOR O JAVNOJ NABAVCI

Između:

1. Elektrotehničkog fakulteta u Sarajevu, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr. Jasmin (Izet) Velagić, (u daljem tekstu: *Naručilac*)

i

2. EUNOIA d.o.o. sa sjedištem u Istočnom Sarajevu, na adresi Hilendarska br. 28, ID broj: 4403958140004, koga zastupa direktor Jasmin Arnaut (u daljem tekstu: *Izvršilac*)

Član 1.

Predmet ovog Ugovora je nabavka elektronskih potrepština - set energetske pretvarača na Elektrotehničkom fakultetu u Sarajevu, a na osnovu provedenog postupka po konkurentskom zahtjevu.

Član 2.

Predmetna nabavka iz člana 1. ovog Ugovora, vrši se za potrebe realizacije projekta:

1. Projekat MONKS pod naslovom "Snimanje i analiza postojećeg stanja i prijedlog mjera energetske učinkovitosti u tramvajskom saobraćaju u Sarajevu", voditelja projekta akademik dr. Branislava Peruničić - Draženović, profesor emeritus.

Član 3.

Izvršilac se obavezuje da će robu isporučiti na adresu *Naručioca*, sa svim elementima i karakteristikama koji su navedenu u tenderskoj dokumentaciji, a u skladu sa važećim tehničkim standardima.

Izvršilac se obavezuje da će robu isporučiti u roku od 60 (šezdeset) dana od pismenog zahtjeva *Naručioca*.

U slučaju kašnjenja u isporuci roba, do kojeg je došlo krivicom *Izvršioca*, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. *Izvršilac* je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od *Naručioca*.

Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje *Izvršilac* nije mogao uticati niti ih predvidjeti.

Član 4.

U slučaju da *Izvršilac* izbjegava potpisivanje ugovora ili da po zaključivanju ugovora ne ispuni preuzetu obavezu iz ovog ugovora i uslova ponude u navedenom roku, sačinjeni ugovor postaje ništavan uz pisano obavještenje.

Član 5.

Ako se prilikom prijema utvrdi da roba koju je *Izvršilac* isporučio ima nedostataka u kvalitetu ili druge očigledne greške, ugovorene strane su saglasne da ih *Izvršilac* otkloni u roku od 3 (tri) dana, od kada je sačinjen zapisnik o reklamaciji, a ako to ne učini u ugovorenom roku, *Izvršilac* je dužan reklamiranu robu zamjeniti novom robom koja ima jednake karakteristike.

Ukoliko se nakon što *Naručilac* primi robu, pokaže da roba ima neki nedostatak koji se nije mogao otkriti uobičajnim pregledom prilikom preuzimanja iste, odnosno ima skrivene nedostatke, *Naručilac* je dužan o tom nedostatku bez odlaganja obavijestiti *Izvršioca*, koji je dužan u roku od 3 (tri) dana otkloniti nedostatak.

Član 6.

Garantni rok na set energetske pretvarača je 12 (dvanaest) mjeseci, računajući od dana isporuke, uz obezbijeđen mehanizam zamjene neispravnog uređaja po principu slanja ispravnog uređaja od strane proizvođača u razumnom vremenskom periodu.

Izvršilac će u toku garantnog perioda održavati robu u dobrom stanju, te će vršiti redovno održavanje i otklanjanje kvarova, odnosno popravljanja ili mijenjanje neispravnih dijelova robe, a sve o svom trošku.

X 16

Član 7.
Naručilac se obavezuje da će Izvršiocu isplatiti cijenu ponude u iznosu od 5.797,00 KM (pet hiljad sedam stotina devedeset sedam i 00/100 KM) bez PDV-a, u roku od 30 (trideset) dana od dana dostave fakture. Ugovoreni iznos naknade će se platiti na žiro račun Izvršioca, kod odgovarajuće banke u Bosni i Hercegovini. Pripadajući porez će se obračunati i platiti u skladu sa zakonom.

Član 8.
Ugovor traje do konačne realizacije a najkasnije do 31.12.2020. godine.

Član 9.
Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 15 (petnaest) dana unaprijed.

Član 10.
Izvršilac kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.
Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 12.
Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja. Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 13.
Ovaj Ugovor stupa na snagu danom potpisivanja od strane ovlaštenih lica ugovornih strana.

Član 14.
Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.



Broj:
Datum

Naručilac:

Dekan, Prof. dr. Jasmin Velagić

Broj: 02-3568/20
Datum: 27.07.2020

